

Broj: 06-03-967-05/15
Mostar, 29.01.2016. godine

Na osnovu člana 21., člana 22., člana 37., člana 38. i člana 87. stav (3) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10, člana 11., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 45. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14) i člana 52. Pravilnika za izdavanje dozvola („Službene novine Federacije BiH“ broj 43/14), te na osnovu podnesenog Izvještaja o nadgledanju imaoce dozvole Danske Commodities BH d.o.o. iz Sarajeva, Regulatorna komisija za energiju u Federaciji Bosne i Hercegovine – FERK je 29.01.2016. godine na I redovnoj sjednici donijela sljedeće

RJEŠENJE

1. Nalaže se Danske Commodities BH d.o.o. iz Sarajeva, imaoцу Dozvole za snabdijevanje električnom energijom – dozvole II reda broj 06-03-512/11/15 od 04.11.2015. godine poduzimanje sljedećih mjera **bez odlaganja**, u skladu sa uslovima izdate dozvole po tačkama kako slijedi:

a) Izvještavanje

Tačke 4.14. Dozvole za snabdijevanje električnom energijom - dozvole II reda

- 1. dostavljati redovno usaglašene, tačne i ispravne mjesečne izvještaje u skladu sa Zakonom o električnoj energiji u Federaciji Bosne i Hercegovine, Pravilnikom o izvještavanju FERK-a za imaoce licence za snabdijevanje električnom energijom drugog reda i nezavisne proizvođače u propisanim rokovima,**
- 2. uskladiti finansijske podatke o prihodima iskazane u mjesečnim izvještajima koji se dostavljaju FERK-u tako da korespondiraju s podacima iskazanim u izvještajima NOSBiH-a kao i finansijskim izvještajima imaoce dozvole, koje je takode obavezan dostavljati FERK-u, a u skladu sa članom 5. Pravilnika o izvještavanju za imaoce licence za djelatnost snabdijevanja električnom energijom II reda i nezavisne proizvođače,**
- 3. izvijestiti FERK o poduzetim aktivnostima iz ove tačke.**

2. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a.

Образложење

Postupajući u skladu sa Zakonom o električnoj energiji u Federaciji Bosne i Hercegovine, propisanim nadležnostima, FERK je imao dozvolu Danske Commodities BH d.o.o. iz Sarajeva Rješenjem broj 06-03-950-11/71/13 od 06.12.2013. godine izdao Dozvolu za rad – licencu za snabdijevanje električnom energijom broj 06-03-950/71/13, sa periodom važenja izdate dozvole od 06.12.2013. godine do 05.12.2015. godine. FERK je imao dozvolu Danske Commodities BH d.o.o. iz Sarajeva Rješenjem broj 06-03-512-15/11/15 od 04.11.2015. godine obnovio Dozvolu za snabdijevanje električnom energijom – dozvolu II reda. Period važenja navedene dozvole je od 06.12.2015. – 05.12.2020. godine.

U tački 4.14.1. važeće dozvole propisano je da je imalac dozvole obavezan FERK-u dostaviti izvještaje u skladu sa Pravilnikom o izvještavanju FERK-a za imaoce licence za snabdijevanje električnom energijom drugog reda i nezavisne proizvođače, dok je tačkom 4.14.2. propisano da izvještaji koji se odnose na isporuku električne energije preko prenosnog i distributivnog sistema, koje imalac dozvole dostavlja FERK-u, je obavezan usaglasiti sa izvještajima NOSBiH-a i ODS-a.

Osim navedenog, tačkom 9. važeće dozvole propisano je da u okviru svojih nadležnosti FERK vrši nadgledanje ispunjavanja uslova iz ove dozvole, te da je u cilju nadgledanja ispunjenja uslova iz ove dozvole, imalac dozvole obavezan dostavljati podatke u skladu sa tačkom 4.14. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o električnoj energiji u Federaciji Bosne i Hercegovine, da bi FERK-u omogućio izvršavanje njegovih nadležnosti u skladu sa zakonom i pravilima i propisima FERK-a. Takođe, propisano je i da je imalac dozvole obavezan obavijestiti FERK o svakoj povredi uslova dozvole u roku od 10 dana od dana kada je povreda nastupila. Ovlašteni zaposlenici FERK-a imaju pravo obavljati redovno i vanredno nadgledanje u prostorijama imaoce dozvole i imaju pravo pristupa objektima, opremi i dokumentima, kako bi se izvršio uvid u obavljanje licencirane djelatnosti u skladu sa uslovima izdate dozvole, te je imalac dozvole obavezan saradivati sa FERK-om tokom pripreme i prilikom obavljanja nadgledanja.

Tačkom 11. dozvole propisano je to da ukoliko FERK zaključi da imalac dozvole nije ispoštovao ili krši uslove dozvole, poduzima sljedeće aktivnosti: a) opominje imaoce dozvole o evidentiranim nepravilnostima i određuje rokove za otklanjanje nedostataka, b) pokreće postupak izdavanja prekršajnog naloga u skladu sa kaznenim odredbama zakona c) pokreće postupak oduzimanja za rad.

Naprijed navedene obaveze su na gotovo identičan način bile propisane i ranije izdatom Dozvolom za rad – licencom za snabdijevanje električnom energijom – dozvolom II reda broj 06-03-950/71/13 od 06.12.2013. godine.

Na osnovu člana 21., člana 22., člana 38. i člana 87. stav (3) Zakona o električnoj energiji u Federaciji Bosne i Hercegovine i člana 52. Pravilnika za izdavanje dozvola, odnosno u skladu sa tačkom 9. Dozvole za rad – licence za snabdijevanje električnom energijom broj 06-03-950/71/13 od 06.12.2013. i tačkom 9. Dozvole za snabdijevanje električnom energijom – dozvole II reda broj 06-03-512/11/15 od 04.11.2015. godine, dana 27.11.2015. godine Komisija za nadgledanje obavljanja licenciranih djelatnosti imenovana Rješenjem FERK-a broj 05-08-422-05/15 od 11.06.2015. godine izvršila je nadgledanje obavljanja licencirane djelatnosti. Tokom nadgledanja, navedena komisija je

utvrdila kako knjiženje razgraničenih prihoda koji će se evidentirati u bilansu uspjeha kao prihodi januara 2015. godine po osnovu prodaje električne energije, a koji su prema NOSBiH-ovom mjesečnom izvještaju realizovani u decembru 2014. godine su razlog odstupanja prihoda prema finansijskom izvještaju za 2014. godinu i prihoda prikazanih u FERK-ovim tabelama za isti period, a što nije u skladu sa uslovima FERK-ove Dozvole za rad – licence za snabdijevanje električnom energijom broj 06-03-950/71/13 od 06.12.2013. godine kao ni Dozvole za snabdijevanje električnom energijom – dozvole II reda broj 06-03-512/11/15 od 04.11.2015. godine.

O izvršenom nadgledanju, komisija je sačinila Izvještaj o obavljenom regulatornom nadgledanju, koji je dostavljen imaocu dozvole na davanje komentara pod brojem 06-03-967-03/15 dana 16.12.2015. godine. Imalac dozvole je 04.01.2016. godine u FERK pod brojem 06-03-967-04/15 dostavio dopis, u kojem je navedeno kako rade na izradi faktura za tranzit i to retroaktivno za cijelu 2015. godinu, kao i na ispravkama PDV prijava prema kojima će napraviti i reviziju deklaracija za FERK za 2015. godinu sa podacima koji će u potpunosti odgovarati NOSBiH-ovim izvještajima i finansijskim izvještajima. Imalac dozvole je naveo da će usklađenje značajno uticati i na njihove godišnje prihode te stoga i na regulatornu naknadu.

FERK je na I redovnoj sjednici održanoj 29.01.2016. godine analizirao Izvještaj o obavljenom regulatornom nadgledanju, kao i dostavljeni odgovor imaoca dozvole na Izvještaj o obavljenom regulatornom nadgledanju, a sve u skladu sa svojim pravilima i propisima i uslovima dozvola.

FERK je utvrdio da je potrebno imaocu dozvole naložiti poduzimanje mjera, navedenih u dispozitivu ovog rješenja, da bi se otklonile sve učinjene povrede izdate dozvole, i to bez odlaganja.

Imalac dozvole je dužan postupiti po naloženim mjerama u protivnom FERK ima mogućnost, u skladu sa članom 21. i članom 108. Zakona o električnoj energiji u Federaciji Bosne i Hercegovine, odnosno članom 53. Pravilnika za izdavanje dozvola, a slijedeći navedeno i u skladu sa tačkom 11. izdate dozvole za rad – licence, pokrenuti postupak za izdavanje prekršajnog naloga, te postupak oduzimanja dozvole.

Na osnovu naprijed navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja imenovani može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić